

# Wakem tax return

## Gaed Fo Pasifik En Timor-Leste Waka Man En Mere Lo Australia



Evri long taem waka man en mere lo PALM scheme nid fo wakem tax return fom fo save nao aotstanding tax peiment o refand blong oketa, lo everi finansol yia wea olketa waka lo Australia.

Finansol yia hemi twelf manis lo 1 July kasem 30 June lo nara yia. Hemi taem gavman, bisnis en oketa nara oganasaison fo kalkuletim badget, profit en loss.

No eni tok tok talem dat everi waka man en mere bae tekem ofisol kol fo komplitim tax return – bata hemi no minim bae no nid fo wakem tax return.

Disfala pepa hem talem wae en hao fo komplitim tax return en hemi aim fo sapotim waka man en mere fo mitim seleva tax waka.

### Hu nao nid fo wakem tax return fom?

Waka man en mere lo Australia wea waka lo Pasifik Australia Leba Mobility (PALM) scheme olketa bae wakem nomoa **tax return form** sapos olketa holem waka long taem bitwin wan en 4 ias.

Olketa waka man en mere wea waka lo sison waka (lo ap tu 9 manis) olketa no nid fo wakem tax return fom.

### Wanem nao tax return?

**Tax:** Selen wea yumi peim go lo gavman. Gavman iusim tax selen fo pei fo olketa pablik guds en sevisis wea iumi iusim everi dei, osem helt en komuniti sevisis, nasinol difens en pablic edukeison wetem infrastructure olsem rods en railweis. Everi ting ya kontribiut lo gud blo everi wan wea stap insaet long Australia.

**Tax return:** Sapos oketa tekem tax from eni selen iu tekem insait lo Finansol yia (exampol, sapos iu waka enitaem bitwin July 2019 en June 2020) iu nid fo wakem tax return blong iu.

### Hao na hem waka?

Sapos iu waka, bae iu pei income tax lo datfala selen. Income tax bae iu peim lo ful yia ya taem iu tek selen.

Waka ples blong iu bae tekem aot tax from everi pei blong iu en sendem go lo Australian Tax Ofis (ATO) fo iu. Diswan oketa kolek lo Pay As You

Go (PAYG) withholding. Oketa duim osem mekem iu no garem biki tax bill lo end lo yia. Bae iu lukim amaont blo tax waka ples blong iu aotem lo pei slip blong iu.

Taem kasem end lo finansol yia, ATO bae kalkuleitim lo total PAYG withholding selen wea waka blong iu tekem aot lo pei blong iu lo ful yia ya. Diswan nao bae hemi talem sapos bae iu tekem tax refund o bae iu peim tax bill.

### Bae mi save tekem refand from ATO?

No eni promes osem bae iu tekem tax refand from ATO. Everi wan hemi differen, samfala bae tekem tax refand, samfala bae tekem bill fo pei tax go lo ATO. So no ting ting olsem bae iu tekem tax refund.


### Wea nao fo wakem tax return

#### Wakem wetem accountant o tax agent – bae garem fee

Tax ajents o profesonols bae chajim fi olsem \$100 kasem \$200 fo komplitim en wakem tax return fo iu. Mek sua iu askem praes en hapi bifo iu gohet fo wakem tax return.

#### Wakem stret long Australian Tax Office (ATO) - free

Iu save duim diswan online lo MyGov account. Hem free bat iu mas komplitim seleva.



# Wakem tax return

Gaed Fo Pasifik En Timor-Leste Waka Man En Mere Lo Australia

## Hao long nao hemi tekem fo wakem tax return?

No eni taem fo hao long nao bae ATO tekem fo wakem tax return blong iu. Samfala taem hem bae tekem manis fo wakem nao tax return blong iu. No eni wan save mekem fast, iu bae wait no moa.

## Wanem nao bae mi nidim fo wakem tax return fom?

**Onlaen wesis steitmens:** Iu save faedem onlaen nao wesis steitmen wea hem som nao ful amaont lo wesis en amaont blo tax wea paim insaet lo finansol yia. Waka ples blong iu nao bae givim diswan fo iu o iu save lukim lo MyGov akaont blong iu.

**Risit blo peim impotent tings blo waka:** Diswan hem olsem olketa waka kaleko, transpot receipts en personal protective equipment.

## Wat taem nao fo wakem tax return

Wakem tax return blong iu eni taem insaet 1 July en 31 October. Sapos iu wakem tax return let, bae save pei faen.

## Medicare levy

Sapos iu tek pei ovam \$22,398 iu bae nid fo komplitim nao wanfala Medicare Entitlement Statement fo iu no nid fo peim nao Medicare Levy. Iu save faedem Medicare Entitlement Statement form lo [www.servicesaustralia.gov.au/individuals/forms/ms015](http://www.servicesaustralia.gov.au/individuals/forms/ms015).

Iu mas wait kasem taem iu tekem nao Medicare Entitlement Statement lo mail befo iu komplitim tax return.

## Fo samfala moa infomason

**Link go lo Australian Tax Office**

[Wakem fest tax return Australian Taxation Ofis \(ato.gov.au\)](http://www.ato.gov.au)

## Hao fo wakem MyGov account



[www.ato.gov.au/business/single-touch-payroll/single-touch-payroll-for-employees/setting-up-your-mygov-account/](http://www.ato.gov.au/business/single-touch-payroll/single-touch-payroll-for-employees/setting-up-your-mygov-account/)

## Steps fo wakem tax return

### STEP 1

Iu save getem wesis staitment. Diswan bae hem stap lo MyGov insaet 14 deis lo 1 July.

### STEP 2

Sapos iu wakem seleva online, plis go nao lo MyGov website en folom instraksions.

Sapos iu wakem lo third party (accountant o tax agent).

- Faendem wanfala accountant o tax agent lo ples iu stap – Hemi gud fo askem waka met o waka ples blong iu fo save talem iu.
- Iu bae bukim appointment o go lo ofis. Bae iu nid fo givim olketa peiment sari en/o risits.
- Meksua iu save gut dat iu bae save pei fee festaem. Safala garem wei wea tax agent bae tekem fee long tax refund blong iu.

### STEP 3

ATO o tax agent blong iu bae letem iu save sapos iu kaonim selen, o iu bae tekem tax refund. Note: sapos iu kaonim selen, iu bae nid fo kontaktim ATO fo wakem peiment.

## Iu still garem kwestens?

Sapos iu nidim samafal moa infomason:



- tok lo nara waka man en mere o tim lida blong iu.
- tok lo waka ples blong iu.
- tok lo eniwan lo komuniti blong iufala e.g. lo church o sporting club
- kolem PALM sapot sevis laen bitwin 7am – 7pm AEST: (1800 51 51 31)
- kolem ATO: (13 28 65)



Australian Government

[palmscheme.gov.au](http://palmscheme.gov.au)